

## Ministarstvo obrazovanja i nauke

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 39. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06 i 26/08) i člana 40. Zakona o srednjem obrazovanju ("Službene novine Kantona Sarajevo", broj 23/10), ministar obrazovanja i nauke Kantona Sarajevo donosi

### PRAVILNIK

#### O IZMJENAMA I DOPUNAMA PRAVILNIKA O ORGANIZACIJI I REALIZACIJI IZLETA, STUDIJSKIH POSJETA, EKSKURZIJA, KAMPOVANJA/ LOGOROVANJA, DRUŠTVENO/KORISNOG RADA, ŠKOLE U PRIRODI I DRUGIH OBLIKA ODGOJNO - OBRAZOVNOG RADA U OSNOVNOJ I SREDNJOJ ŠKOLI

##### Član 1.

U članu 81. stav (1) Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj 36/10) iza riječi "odgojno-obrazovnog rada, koji su predmet ovog pravilnika." dodaju se riječi " , počev od 2011/2012. školske godine".

Iza stava (1) dodaje se novi stav (2) koji glasi:

"(2) Direktor škole, kao odgovorno lice za realizaciju svih oblika odgojno-obrazovnog rada koji su predmet ovog pravilnika, obavezan je u saradnji sa drugim organima i tijelima škole, do početka 2011/2012. školske godine, osigurati potrebne uvjete da škola u punom obimu izvrši obaveze utvrđene ovim pravilnikom."

Dosadašnji st. (2), (3) i (4) postaju st. (3), (4) i (5).

##### Član 2.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11/04-02-2967/11  
10. februara 2011. godine  
Sarajevo

Ministar  
Dr. Emir Suljagić, s. r.

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 9. Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo", broj 24/08 i 23/09) i člana 2. Zaključka Vlade Kantona Sarajevo broj 02-05-2983-5/09, ministar obrazovanja i nauke Kantona Sarajevo donosi

## OPĆINA NOVO SARAJEVO

### Općinsko vijeće Komisija za statut i propise

Na osnovu člana 32. stav 1. tačka 1. Statuta Općine Novo Sarajevo ("Službene novine Kantona Sarajevo", broj 12/06 - prečišćeni tekst, 14/08 i 25/08) i na osnovu člana 50. stav 1. alineja 10. Poslovnika Općinskog vijeća Novo Sarajevo ("Službene novine Kantona Sarajevo", broj 12/06), Komisija za statut i propise Općinskog vijeća Novo Sarajevo na 74. sjednici održanoj 8. februara 2011. godine utvrdila je prečišćeni tekst Odluke o osnivanju Javne ustanove "Međunarodni centar za djecu i omladinu Novo Sarajevo".

## PRAVILNIK

#### O IZMJENAMA I DOPUNAMA PRAVILNIKA O KRITERIJIMA ZA STICANJE I RASPODJELU VLASTITIH PRIHODA BUDŽETSKIH KORISNIKA - OSNOVNIH I SREDNJIH ŠKOLA

##### Član 1.

U članu 15. Pravilnika o izmjenama i dopunama Pravilnika o kriterijima za sticanje i raspodjelu vlastitih prihoda budžetskih korisnika- osnovnih i srednjih škola ("Službene novine Kantona Sarajevo", broj 36/10) iza riječi "objavljivanja u "Službenim novinama Kantona Sarajevo", dodaju se riječi " , a primjenjivat će se počev od 2011/2012. školske godine".

##### Član 2.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11/04-02-2968/11  
10. februara 2011. godine  
Sarajevo

Ministar  
Dr. Emir Suljagić, s. r.

## Ministarstvo finansija

Na osnovu člana 201. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) i Zaključka Vlade Kantona Sarajevo, broj 02-05-1741-7/11 od 01.02.2011. godine, ministar finansija donosi

### UPUTSTVO

#### O PRESTANKU VAŽENJA UPUTSTVA O NAČINU UPLATE I TROŠENJA NAKNADE ZA IZGRADNJU I ODRŽAVANJE JAVNIH SKLONIŠTA U KANTONU SARAJEVO

##### Član 1.

Uputstvo o načinu uplate i trošenja naknade za izgradnju i održavanje javnih skloništa u Kantonu Sarajevo ("Službene novine Kantona Sarajevo", broj 21/07), prestaje da važi.

##### Član 2.

Ovo Uputstvo stupa na snagu narednog dana od dana objavljivanja u "Službenim novinama Kantona Sarajevo".

Broj 08-01-14-4000  
17. februara 2011. godine  
Sarajevo

Ministar  
Muhamed Kozadra, s. r.

## ODLUKA

#### O OSNIVANJU JAVNE USTANOVE "MEĐUNARODNI CENTAR ZA DJECU I OMLADINU NOVO SARAJEVO" (PREČIŠĆENI TEKST)

### I. OPĆE ODREDBE

##### Član 1.

Općina Novo Sarajevo osniva Javnu ustanovu za edukativne, rekreativne i kulturne aktivnosti djece i omladine.

## Član 2.

Naziv ustanove je JAVNA USTANOVA "MEĐUNARODNI CENTAR ZA DJECU I OMLADINU NOVO SARAJEVO" (u daljnjem tekstu: Centar).

Sjedište Centra je u Sarajevu, Ulica Kemala Kapetanovića broj 17.

## Član 3.

Centar ima svojstvo pravnog lica, a upisom u sudski registar stiče pravnu i poslovnu sposobnost.

## II. DJELATNOST

## Član 4.

Djelatnost Centra je realiziranje programa i projekata nevladinih organizacija, udruženja građana, kulturnih društava, sportskih klubova, drugih javnih ustanova, javnih preduzeća i fizičkih lica, čiji je glavni cilj edukacija, resocijalizacija, rekonvalescencija i osposobljavanje djece i omladine.

## Član 5.

Djelatnost Centra iz prethodnog člana razvrstava se u skladu sa odredbama Odluke o standardnoj klasifikaciji djelatnosti u Federaciji BiH i glasi:

- 92.13 92.130 Prikazivanje filmova,
- 92.31 92.310 Umjetničko i književno stvaralaštvo i scensko izvođenje,
- 92.32 92.320 Djelatnost objekta za kulturne priredbe,
- 92.34 92.340 Ostale zabavne djelatnosti, d.n.,
- 92.51 92.511 Djelatnost biblioteka,
- 70.20 70.200 Iznajmljivanje vlastitih nekretnina,
- 74.40 74.400 Reklama i propaganda.

## Član 6.

Centar može proširiti ili promijeniti djelatnost iz čl. 4. i 5. ove Odluke.

Odluku o proširenju ili promjeni djelatnosti donosi Osnivač.

## Član 7.

Centar ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrirane djelatnosti.

Izuzetno kod zaključivanja ugovora sa drugim pravnim i fizičkim licima koji se odnose na ustupanje prostorija drugim licima, Centar je dužan pribaviti prethodnu saglasnost Osnivača.

## Član 8.

Danom stupanja na snagu ove Odluke Centar preuzima objekte i opremu u Ulici Kemala Kapetanovića broj 17 i Grbavička broj 10 i njima raspolaže u skladu sa zakonom.

## III. FINANSIRANJE

## Član 9.

Izvori sredstava za rad Centra su:

- sredstva osnivača,
- iz vlastitih prihoda (iznajmljivanje prostora nevladinim organizacijama, udruženjima građana, ostalim pravnim i fizičkim licima, prodajom ulaznica i slično),
- iz naknade za obavljanje intelektualnih i drugih usluga,
- iz legata, poklona, zavještanja i drugih izvora u skladu sa zakonom.

Visinu zakupa prostora Centra po m<sup>2</sup> odredit će načelnik Općine svojim zaključkom, a na osnovu prijedloga Upravnog odbora Centra.

## Član 10.

Osnivač obezbjeđuje sredstva za početak rada Centra u iznosu od 30.000,00 KM kao i objekte u Ulici Kemala Kapetanovića broj 17 (Dom kulture "Vaso Pelagić") i Grbavičkoj broj 10 (Dom pionira "Boško Buha") za obavljanje djelatnosti utvrđene u čl. 4. i 5. ove Odluke.

## Član 11.

Višak prihoda nad rashodima Centar će ulagati u obnavljanje i razvoj registrirane djelatnosti.

## Član 12.

Pitanje prava i obaveza između Osnivača i Centra koja nisu regulirana ovom Odlukom utvrdit će se posebnom odlukom Osnivača.

## IV. NAČIN OSTVARIVANJA INTERESA OSNIVAČA

## Član 13.

Prava i interese Osnivača u odnosu na Centar zastupat će načelnik Općine Novo Sarajevo, ukoliko nije drugačije određeno drugim odredbama ove Odluke.

## Član 14.

Saglasnost na pravila, plan rada i godišnji program rada Centra daje načelnik Općine.

Centar je obavezan Općinskom vijeću podnositi polugodišnji i godišnji izvještaj o svom radu i finansijskom poslovanju.

## Član 15.

Osnivač može, kada to ocijeni potrebnim, tražiti od Centra izvještaj o finansijskom poslovanju i razmatrati ga na sjednici Općinskog vijeća.

## V. ORGAN UPRAVLJANJA, RUKOVOĐENJA I KONTROLE POSLOVANJA

## Član 16.

Organ upravljanja u Centru je Upravni odbor koga čini 5 članova.

Predsjednika i članove Upravnog odbora imenuje i razrješava načelnik Općine.

Mandat članova Upravnog odbora traje 4 godine.

Ako iz bilo kojeg razloga član Upravnog odbora nije u stanju da vrši svoju funkciju ili ne može da prisustvuje sastancima Upravnog odbora u periodu dužem od tri mjeseca, izvršit će se njegov opoziv i izabrati novo lice koje će završiti preostali mandat opozvanog člana.

## Član 17.

Organ rukovođenja u Centru je direktor.

Direktora Centra imenuje Upravni odbor na osnovu konkursa koji se objavljuje u javnim glasilima nakon što prethodno pribavi saglasnost načelnika Općine.

Direktor se imenuje na period od 4 godine, s tim da može biti ponovo imenovan.

Direktor ne može biti član Upravnog odbora.

Direktor Centra ovlašten je da predstavlja i zastupa Centar, zaključuje ugovore u okviru registrirane djelatnosti.

## Član 18.

Upravni odbor Centra može uz saglasnost načelnika Općine razriješiti direktora Centra i prije isteka mandata na koji je imenovan:

- ako je zbog provođenja odluke ili akta koji je donio došlo do povrede ove Odluke, pravila Centra ili prava radnika,
- ako je njegovim odnosom nanosena šteta Osnivaču ili društvenoj zajednici,
- na lični zahtjev.

## Član 19.

Organ kontrole poslovanja u Centru je Nadzorni odbor kojeg čine tri člana.

Mandat članova Nadzornog odbora traje 4 godine.

Predsjednika i članove Nadzornog odbora imenuje i razrješava načelnik Općine.

## Član 20.

Uslovi za izbor i imenovanje, nadležnost, odgovornost, način donošenja odluka i druga bitna pitanja u radu Upravnog odbora,

Nadzornog odbora i direktora Centra bit će regulirana Pravilima Centra, u skladu sa odredbama člana 14. ove Odluke.

#### VI. ODGOVORNOST ZA OBAVEZE U PRAVNOM PROMETU

##### Član 21.

Za svoje obaveze Centar odgovara svom svojom imovinom - potpuna odgovornost.

Osnivač je dužan da razriješi predsjednika i članove Upravnog odbora, ako je Centar dvije uzastopne godine u godišnjem obračunu iskazao višak rashoda nad prihodima.

#### VII. PRIJELAZNE I ZAVRŠNE ODREDBE

##### Član 22.

Do imenovanja direktora Centar će predstavljati i zastupati vršilac dužnosti direktora koga imenuje načelnik Općine u roku od 15 dana od dana stupanja na snagu ove Odluke, sa svim pravima i odgovornostima direktora.

##### Član 23.

Načelnik Općine Novo Sarajevo će imenovati Upravni odbor i Nadzorni odbor u roku od 30 dana od dana stupanja na snagu ove Odluke.

Postupak imenovanja direktora Centra provest će se u roku od šest mjeseci od dana stupanja na snagu ove Odluke pod uslovom i na način utvrđen Zakonom i Pravilima Centra.

##### Član 24.

Upravni odbor će u roku od 60 dana od njegovog imenovanja donijeti Pravila, Program rada i akt o unutrašnjoj organizaciji i sistematizaciji radnih mjesta i preduzeti radnje za početak rada Centra.

U skladu sa sistematizacijom radnih mjesta Centar će preuzeti službenike i namještenike jedinstvenog organa uprave

Općine Novo Sarajevo za čijim je radom i angažmanom prestala potreba.

##### Član 25.

Centar će donijeti i druga opća akta u skladu sa zakonom, kolektivnim ugovorom i Pravilima Centra.

##### Član 26.

Na osnovu ove Odluke izvršit će se upis Centra u sudski registar ustanova na zahtjev ovlaštenog lica.

##### Član 27.

Prečišćeni tekst Odluke o osnivanju Javne ustanove "Međunarodni centar za djecu i omladinu Novo Sarajevo" obuhvata Odluku o osnivanju Javne ustanove "Međunarodni centar za djecu i omladinu Novo Sarajevo" ("Službene novine Kantona Sarajevo", broj 11/01), Odluku o izmjeni i dopuni Odluke o osnivanju Javne ustanove "Međunarodni centar za djecu i omladinu Novo Sarajevo" ("Službene novine Kantona Sarajevo", broj 31/01) i Odluku o izmjenama i dopunama Odluke o osnivanju Javne ustanove "Međunarodni centar za djecu i omladinu Novo Sarajevo" ("Službene novine Kantona Sarajevo", broj 34/10), u kojima je označen dan stupanja na snagu tih odluka.

##### Član 28.

Prečišćeni tekst Odluke o osnivanju Javne ustanove "Međunarodni centar za djecu i omladinu Novo Sarajevo" objavit će se u "Službenim novinama Kantona Sarajevo".

Broj 01-02-71/11  
8. februara 2011. godine  
Sarajevo

Predsjednik  
Komisije za štutut i propise  
Ibrahim Čomić, s. r.

### OPĆINA STARI GRAD

#### Općinski načelnik

Na osnovu člana 34. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i u skladu sa članom 21. Odluke o izvršenju budžeta Općine Stari Grad za 2011. godinu ("Službene novine Kantona Sarajevo", broj 1/11), načelnik Općine Stari Grad Sarajevo donosi

#### ODLUKU

**O ODOBRAVANJU IZDVAJANJA SREDSTAVA  
TEKUĆE REZERVE BUDŽETA OPĆINE STARI GRAD  
SARAJEVO ZA 2011. GODINU, UNIVERZITETSKOM  
SPORTSKOM DRUŠTVU "BOSNA" ZA  
ORGANIZACIJU 10. MEĐUNARODNOG  
MEMORIJALNOG JUDO TURNIRA "ALIJA MILADIN"**

##### Član 1.

Na ime finansijske pomoći Univerzitetkom sportskom društvu "Bosna" za organizaciju 10. Međunarodnog memorijalnog judo turnira "Alija Miladin", odobrava se isplata u iznosu od 5.000,00 KM (pethiljada KM).

##### Član 2.

Sredstva iz člana 1. ove Odluke odobravaju se na teret pozicije: Tekuća rezerva Budžeta Općine Stari Grad Sarajevo za 2011. godinu i to:

- iznos od 5.000,00 KM na teret tekuće rezerve načelnika.

##### Član 3.

Općinska Služba za finansije će sredstva iz člana 1. ove Odluke prenijeti na žiro račun: Univerzitetkog sportskog društvo "Bosna" broj 338900220579992

##### Član 4.

Za realizaciju ove Odluke zadužuje se Služba za finansije.

##### Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-4-496/11  
16. februara 2011. godine  
Sarajevo

Pomoćnik načelnika  
Senada Katica, s. r.  
Načelnik Općine  
Ibrahim Hadžibajrić, s. r.

### FEDERALNI ZAVOD ZA STATISTIKU

#### SAOPĆENJE

**O PROSJEČNOJ ISPLAĆENOJ MJESEČNOJ NETO  
PLAĆI ZAPOSLENIH U KANTONU SARAJEVO ZA  
DECEMBAR/PROSINAC 2010. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za decembar/prosinac 2010. godine iznosi 1018,84 KM.

Broj 7  
14. februara 2011. godine  
Sarajevo

Direktor  
Derviš Đurđević, s. r.